



UNIVERSITÄTS-
BIBLIOTHEK
PADERBORN

Universitätsbibliothek Paderborn

Liber dissencionum archiepiscopi Coloniensis et Capituli Paderbornensis

Dietrich <von Engelsheim>

Münster, [1893-1897]

54. Epistola responsoria capituli Moguntini ad domini Coloniensis literam
excusatoriam.

[urn:nbn:de:hbz:466:1-54427](https://nbn-resolving.org/urn:nbn:de:hbz:466:1-54427)

noede vurkurtzen. Und getruwen, wann [ir]¹⁾ diess betrachten unde ouch irynnigent²⁾ werden, wie wyr die sachen vorgenommen, gehandelt unde waz erber geboider wyr gethan hann, ir sollent uns unde unssem stift van Colne an solich unser gracien unde incorporacien nyt hynderlich, sundir vorderlich syn, angesehen, daz der stift van Mentze unde unssir van Colne van langen tzyden her in groisser fruntschafft unde gelouben herkomen sint unde sych gehalten haind, die wir ummers³⁾ node⁴⁾ verbrechen wolden. Dairumb wyr ouch zu tage komen adir schicken wolden by unsses liebn bruders van Mentze unde synen vrunde, unde as ir dann die gelegenheit davonn gehort haint, so sollent ir uns dairynne nyt anders dann redelich fynden. Unde geschee uns unde unssm stifte van Colne van uch eingher intrag adir hyndernis, dez wyr nyt getruwen nach gelegenheit vorgeschreven unde dezhalven zu kost, schaden unde verdriesse quemen, so geschee uns van uch ungutlich unde zu kurtze.

Datum Poppilstorpp nostro sub sigillo, die beate Elizabeth vidue, anno Domini XXX.

Venerabili decano et capitulo ecclesie Moguntine.

Copia cuiusdam littere scripte domino Coloniensi per capitulum Moguntinum ad respondendum ei de suis scriptis ad capitulum predictum prius factis.

54. Erwertigerster in Godt vater, genediger lieber herre,
1430 unse undertenige, willige, bereyde denst uwer gnaden
4. Novbr. altzyt zuvor! Uwer gnaden brieff uns gescreven hann
wyr empfangen, inhaldende, als unsir heilger vater der
babste den stift Paderborn uwer kirchen van Colne
incorporeret habe, sy uwer gnaden van flochwortin⁵⁾

¹⁾ ergänzt. ²⁾ sich erinnern, erwägen, ³⁾ sicher. ⁴⁾ ungern. ⁵⁾ allgemeines Gerücht.

furkomen, wie daz wyr demselben unsem heligen vater dem babste geschreben unde gebeten soln haben, die incorporacien zu wiedzerruffen, unde bitten uns, uch an der incorporacien nyt zu hinder ader zu veren,¹⁾ as dann sulcher uwer genaden brieff mit mee begreiff inheldet.

Genediger lieber here! Hait unsir heiliger vater vorgeschreven sulche incorporacie gethann, daz ist ane alle unsir wiessen, willen unde verhengnisse gescheyn unde ist ouch vor²⁾ nye an uns bracht adir erworben, unde syn ouch nyt dairzo gheheyschen. Unde hette daz ymands anders hinder uns gewilliget edir vurhengt, meynen wyr, daz dez nyt syn solde unde ouch, daz das nyt macht habn, ader uns unde unssm stiffte unschedelich syn solle. Dann wyr meynen, hetten wyr unsem heligen vater dem babste unse, unss stifftes von Mentze unde ouch dez stiffts van Paderborn gelegenheit zuvorn mogen vurbracht hann, unde daz syn heilikeid dez clerlich undirwiset were, syn helikeidt hedden keyn nuweringe dairyn gethann, sundir es lassen bliben, als van alter.

Undenachdem beyde styfft van Mentze unde van Colne in aller lobelicher fruntschafft unde geloubelichen getruwen myt eyn herkomen unde sych als mit bruderlichen truwen gemeynt³⁾ unde gehalden hann, so bitten wyr uwer genade demutlich unde in sulcher frundlichkeit, uwer genade wille die incorporacie gunstlichen abestellen unde uns, unssn styfft unde ouch den styfft zu Paderborn lassen, als sie dann zu eyn gehoren unde lange zyt lobelichen herkomen syn. Konden wyr daz umb uwer gnade unde uweren styfft beschulden,⁴⁾ dez weren wyr myt guter bereide willich. Besunder bitten wyr uwer genaden,

¹⁾ entfernen, abhalten. ²⁾ zuvor. ³⁾ geliebt. ⁴⁾ vergelten.

keyne gewalt an daz capittel unde stiffe van Paderborn, ir stete adir undirtanen zu legen, ader van den uwer gescheyn lassen, as wyr meynen, daz sych zymlich gebore, nachdem uwer gnade unde sie geistlich syt, unde sych als genedilichen ertzougen unde bewysen, als wyr dez unde allir gunste unde guts eyn getruwen zu uwer werdigen genaden hann, die der Allmechtiger lange selichlichen geruchte¹⁾ bewaren.

Datum nostro sub sigillo ad causas anno Domini MCCCCXXX, sabbatho post festum omnium sanctorum. Decanus et capitulum ecclesie Moguntine.

Reverendissimo in Christo patri domino Theoderico, archiepiscopo Coloniensi, domino nostro semper graciousissimo.

Copia cuiusdam littere scripte domino quondam Moguntino per capitulum Paderbornense post dietam in Lonsteyn servatam cum amicis domini Coloniensis.

55. Unsen schuldigen, underdenigen denst vorut! Erwerdigeste furste in God vater, leve genedige her! Wy 1432. hebben nu to twen tyden dage gehoilden, de iuwe D. D. genade uns getekend hadden tegen unsen heren van Colne unde syne vrunde, der eyndeils gewest is to Colne vor iuwen genaden, de ander to Loensteyn vur iuwer genaden vrunden. Wo sych die degedinge aldair ergangen hebben, is iuwen genaden wall to synne unde syn dez ouch wall underwysset. So dunckt uns, dat wy unnutte kost unde arbeit gedan hebben, want wy nicht erfahren, dat unse here sych keren wille mit syner incorporacien an de revocacie, als wy hebben, wye vele

¹⁾ geruhen.